



Inatsisartut isummerfigisassaattut siunnersuut, Naalackersuisut peqquneqassasut naartunermi, erninermi meeravissartaarnermilu sulinggiffeqartarnek pillugu Inatsisartut inatsisaata nr. 5 19. november 2020-imeersut allangortinneqarnissaanik imaasillugu, angajoqqaatut sulinggiffeqarnek sapaatit akunnerinit 21-nit sapaatit akunnerinut 37-inut sivitsorneqassasoq aammalu angajoqqaat kiffaanngissuseqarlutik namminnek sulinggiffeqarnermik aaliangiisinnaassasut.

(Inatsisartunut ilaasortaqa Anna Wangenheim, Demokraatit)

(Siullermeerneqarnera)

Demokraatit Inatsisartunut ilaasortaataannut Anna Wangenheim-imut qujanaq siunnersuummut pitsaasumut.

Demokraatinut qularutissaangilaq, ilaqutariit meerartallit atugaat pitsanngorsartariaqaratsigu. Pisariaqarpoq, uagut innuttaasutut tamaat isigissagaanni meeqqiornerulernissarput. Uani pisariaqarpoq oqasallunga, soorunami meeraq kissaataassasoq nuannaarutaallunilu. Nammineerluni tamanna isummerfigineqarsimasariaqarpoq.

Politikkikkummi innuttaasut meeqqioqqulluagit pinngitsaalisinnaangilagut, sinaakkusiisinnaavugulli, pilerinarnerulersitsilluta. Parteeqatinga Anna Wangenheim uani siunnersuuteqarpoq angajoqqaatut sulinggiffeqartarnerup sivitsorneqarnissaanik, tamannalu isuma pitsaaqaaq. Isummalla allat aamma ukuusinnaapput paarsisussaqaartuaannarnermik qulakkeerinnissinnaaneq. Perorsaasunngornissap pilerinarnerulersinnissaa. Meeqqat atuarfii ilinniartitsinerminni inuttullu pitsaanerulernissaat. Timersornissamut- aamma sunngiffimmi sammisassanik pitsaasunik periarfissaqartitsinissaq. Periarfissarpasuaqarpoq meeqqiornerulernissamut pilerinarnerulersitsisinnaasunik.

Uuminnga siunnersuummit Anna Wangenheim-imeersumit qulakkiissavarput, angajoqqaanngorlaat naalungiarsuutiminnik sivilunermik ilagisaqartarnissaat, naalungiarsuk allanut paarisussanngorlugu tunniutinnginnerani. Tamanna angajoqqaatut toqqissisimasumik aallartinnissaq aamma qulakkeeqataaffigisinnaavaa, aammalu qulakkeersinnaallugu, angajoqqaat meerarlu imminnut atassuteqarnerulernissaat. Isumaqarpungattaaq, soorlu assersuutigalugu uippakajaarnermut-ersiutinik annikillisisinnaasoq, ullumikkorniit piffissaqarnerulissammata piarfeersaarnissamut angajoqqaatut sulinggiffeqarnermik naanissaanut.

Tamaat isigalugu siunnersuut pitsassuvoq, maani nunatsinni najugaqarnissamut pitsaanerulersitsillunilu pilerinarnerulersitsisussaq. Siunnersuutinuku uumatut ittut, nunaqqatigut nunanut allanut nuussimasut uternissaannut qulakkeerinneqataasinnaasut.

Taamatut oqaaseqarluta siunnersuutip akuerineqarnissaa innersuussutigaarput Ilaqutariinnermut- aamma Peqqissutsimut ataatsimiitaliami suliareqqitassatut innersuussutigalugu.



DEMOKRAATIT
DEMOKRATERNE